

Deo optimo max. uni & trino, Virgini Deiparæ, & sancto Lucæ orthodoxorum Medicorum Patrono.

(1696) May 1396

# QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis 28. Novembris.

M. JOANNE - BAPTISTA D D Y E, Doctore Medico, Præfide.

*An, se suis cuique prestiturus sit vitæ terminus, necessaria Medicina?*

**O**UÆ ex rerum hujus orbis propè omnium artiumque plurimarum cognitione efflorescit totius hominis conservatrix medendi scientia, à Deo, cujus est munus, præcipuè commendata, nullà majori infelicitate laborat, quàm quòd, dum benefacit omnibus, malè audit apud aliquos, seu tortuosi, seu tardioris ingenii, seu studio ad obrectandum maligno pronos homines; quorum alii incertam & inconsistentem, nonnulli vanam, etiam exterminandam clamitant reliqui; tunc illos incessit livor, stuporve sensus alligat. Cui tamen in hæc cæli filiam sua jactant tela, causas obtundunt, sed reverà inopes aut absurdas. Quid enim putidius quàm vapparum, imperitorum, & sceleratorum pro Medicis se gerentium culpas ac vitia in sanctissimam artem conferre! vel quòd eam Professi nec se temper, nec ægrotos omnes sanent, invictà vi mali Medicinam eludent; vel ex robustissimis hominibus gentibusque aliquot, sine Medico, at non sine Medicinà, optimè valentibus, hujus inutilitatem colligere! Potior una quæ vel in eorum animis qui litteras colunt, trepidationem excitavit.

**E**ST scilicet in ore vulgi, nec semel sacris in libris exaratum, penitus esse definitum, at uni Deo perfectum dicum nostrorum terminum; ultra quem superstes sit nemo, nisi singulari numinis beneficio, velut olim Rex Ezechias, additis ad vitam annis quindecim. His concinunt rerum Naturalium venatores persuasi vivens quodlibet in præcordiis circumferre fatalem & ineluctabilem vitæ metam, pto suà cuique tempestie feriis ocyds contingendam, ut qui ultimo confectus senio absque vi & invalitudine decedit è vivis, fato moriatur; qui gladio incumbens, ruinæ domus oppressus interit immaturus, non suo fato pereat; nisi placet id ejus fuisse fatum, communi fato non petire. Unde si causæ causæ nexæ rem ex se gignunt tramite immutabili, nihilque sanitati potest apponi; parùm interesse aiunt, te tuamque valetudinem credas abundanti doctrinà Medico, an medicastro, sciole, veteratori, nulliusve opem implores: quæ omnia mentis oculis limpidius intuenti, miseratione an & ratione dilenda?

**P**LEBS quæ & desipit, cum maximè sapit, minùs audienda. Sua verò stat fides codicibus sacris, sed prudenti hinc intellectu temperandis. Equidem cæli decreta clavis sunt adamantinis fixa; cùmque nihil fiat quod non ab omni æternitate certum fuerit ratio tempore futurum esse, nec falli possit divina providentia, necessario evidunt, quæcunque sunt, si ad prævidentem referantur; si ad nos, pleraque obscura, dubia, & casu contingentia. Sic fortunam cæcam cæci ipsi nominant; quasi temerè peragantur quorum rationem non capimus, ac non arcano consilio proficiantur ab extraordinarià Dei gubernatione. Hoc loco res est. Summus rerum opifex, cui nihil non patet, ei similis qui è speculà cernit viatorem lapsurum in grassatorum insidias, contuetur quid sis totà vità facturus, quid cogitatus, nullà imposità agendi necessitate, ne tua cælo ascribas facinora. Quòd te scelestum turpiter casurum præcognovit, non tui est author exitii, minimè, quòd prævidit, futuri; sed idè prævisi, quia futurum est. Cui futurum? quoniam voluisti; voluntatis effector Deus; tu pravæ, tu honestæ, pullante, incitante; non cogente. Quomodo autem, ut sua cuique fataliter præfinita sit mortis hora, cibum ac potum, quibus spiritus sustinetur, allumimus, demensque sit qui repudiet; ita qui Medicinam, per quam vivimus, salubriterque vivimus. Quæ scilicet fecit, nec per eà quæ fecit; missique jam miraculis, nos dedit regendos naturæ, quæ potestas est ejus ordinaria, aliter divina vis toto orbe diffusa, per quam generat servatque omnia. Cave tamen hanc cum Deo confundas, effectum cum causà, ordinem cum ordinante, ministram cum Domino.

**P**ENSA quoque res Philosophicæ lance sub aspectu ponitur. Ab interitu celeriori vendicatur vivens, dum cūta est, ne calor Nativus præter modum augeatur; cuique insidet salutare humidum præproperè minuitur; quod arte fieri palam est. Herbe siquidem in cellà calidove loco ad ver usque repositæ, à frigoris injuriis nunquam aliqui ferendis peridi defenduntur; Et aprico in loco consistit arbores fructus uberiore citius ac celerius edunt, quàm in opaco frigidove depactæ; illis folia in medium hyemem retinentibus, & antè præficientibus quàm hæc gemmas emittant: aliatum verò folia, fructus, & semina contrariis ex causis tardius procreari, vel rudioribus exploratum. Quæ porro ars in homine comprimit adæquum calorem, impeditque ne jussu celeris suum depascat humidum, Medicina est, ad depulsionem morborum ipsum humorem absumentium pernecessaria. Eque enim fugit valentissimos homines dissoluti victu sibi ægrotationes & præmaturam mortem accerere; profligate valetudinis alios, cūta vivendi ratione, dextroque remediorum usu ad summam pervenite senectutem, Quod & certius assequuntur ferreis viscibus prædicti, cum se Medicinæ legibus obligari patiuntur. Insulens igitur Abderites ille cunctis hominibus addiscendam monebat, quòd ejus utilitate constet omnis vita.

**M**ALE veteres merebantur de Medicinà, cui fidei fabulis famam consciebant à revocatis in lucem mortuis: quantum, quæso, distat ab invicem mortuum restitueri, aut è faucibus orci erutum ad sanitatem reducere. Vitam, quod est optimum, largitur Deus, dum in humano corpore creat animam; at hanc ipsam quoties mori essendum retinet Medicus, nonne totum recreat hominem? qui præfenti auxilio amovet asthma, orthopnæam, anginam, catarrhum præcipientem, syncopem, stuporem muliebrem, sanguinis istum, aut profusionem immodicam, similiaque mala, à quibus cita mors; an non æquè huic occurrit, ac qui lapsus in ignem puerulum incendio eripit? Tanta res est Medicina, eà ut necdum geniti egant, nascique faciat, quos, ne nascerentur, natura prohibebat. Et Miraris Pythioniorum turbam de explodendis cæteris artibus disputantem huic uni pepercisse. Fons ipse veritatis jam pridem edixit Medicum & medicamenta propter necessitatem à se condita sapienti neutquam aspernanda, incassum aliqui tantà copià genita. Nimirum iis brutæ animantes solo naturæ instinctu sibi medentur; Et ad sanandum hominem, cui destinata sunt, nihil pertinebunt? Qui eximiam hanc scientiam infra se non duxerunt Reges, Prophetæ, Apostoli, Evangelistæ, Angeli, Christusque ipse, à quo in divinitatis testimonium haud minima vitæ pars malè habentibus relevandis impendit, quanto in usu & honore esse debeat, cumulatissimè demonstratur.

*Ergo, ut suis cuique sit prestiturus vitæ terminus, necessaria Medicina.*

DOMINI DOCTORES DISPUTATURI

M. Petrus Daquin, Regis Medicus perpetuo ordinarius.  
M. Joannes Cordelle.  
M. Petrus Yon.

M. Antonius de Saint-Yon, Regis Medicus ordinarius.  
M. Joannes Robert.  
M. Ludovicus Gayant, Regis Medicus ordinarius.

M. Edmundus Charrier.  
M. Raphaël Maurin.  
M. Petrus Cressé.



Proponcbat Lutetiæ FRANCISCUS-FAUSTUS ALLIOT, Parisinus Baccalaureus Medicus. A.R.S.H. 1686.